

# AEKren eta Postaren arteko auziaren erabakia ekainean jakinen da

*Baionako auzitegiaren erabakiaren dei auzia atzo iragan zen Paueko epaitegian*

Iturri batzuen arabera, 300.000 lagun hil dira tragediaren ondorioz

AEK-k Baionako auzitegiaren erabakiaren dei egin ondoan, atzo iragan zen dei auzia Paueko auzitegian. Erabakia ekainaren 21ean emanen da bi alderdien adierazpenak entzunik. AEK-ko, IEHIEko eta Anaram Au Pataceko (Okzitania) kideek postaren euskarekilako diskriminazioa salatu zuten auzitegi aitzinean.

«POSTAK euskararen kontra daraman politika diskriminatzailaren» salatze eta zigortze, Ipar Euskal Herriko Alfabetatze Euskalduntze Koordinakundeak, auzitan jarri zuen Posta. Baionako Auzitegiak joan den ekainean AEKren galdea botatu, ondoren euskara erakasten duen elkarteak erabakiaren dei egin zuen eta atzo iragan zen dei auzia Pauen (Biarno). Bi alderdien adierazpenak entzun eta, Gorteak erabakia ekainaren 21erak gibelatu zuen.

Yolanda Molina AEK elkar-tearen abokata zen lehenik mintzatu. Hastapenean, oroitari zuen 1998. urtera arte AEK-k kontratu bat zuela postarekin eta gutun igorketa masiboetan beste edozein bezala prezio apaltze bat bazuela. Ondotik salatu zuen «postaren bat-bateko ibilmol-



PIERRE DE PRADA SAMARUTI

Joan den larunbatean Postaren jarrera salatze Euskal Konfederazioak deituta egin zen kontzentrazioa.

de aldaketa 1998. urteko azaroaren 18an». «Alta AEK-k beti bere kontratua bete zuela» gehitu eta, AEKren galdea «betidanik herri edo hiri izeinei buruz izan zela eta ez helbide osoei buruz» ohartarazi zuen Molinak.

Gainerat, AEK postarekin adostasun baten erdieste entseatu zela hastapenean eta luzaz, adierazi zuen,

honek postarenganik aitzina-mendurik ez zuela ekarri bururatuz. Postaren argudioei erantzunez, «Frantziako 36.000 herri izen ezagutzen dituen ordenagailu batek Ipar Euskal Herriko euskaraz idatzi 158 herri ere laster ezagutu ditzakela» esplikatu zuen. Ordenagailuaren oroi-menean aski zirela sartzea ohartarazi zuen, postako lan-

gileen sindikatu nagusien baieztapenean oinarrituz.

Postaren defentsak, Konstituzioan oinarriturik, Errepublikaren hizkuntza frantsesa zela eta zerbitzuen frantses ez eskaintzea erakunde publikoen eginbidea zela esan zuen. Euskaraz idatzi helbideen irakurtzeak gastu gehiegi sortzen zituela gehitu zuen Postaren abokatuak.

Ukrainak, Errusiak eta Bielorrusiak Txernobilgo ezbehar nuklearra oroitu dute

Iturri batzuen arabera, 300.000 lagun hil dira tragediaren ondorioz

Efe / Kiev

UKRAINA, Errusia eta Bielorrusian Txernobilgo ezbehar nuklearra oroitu zuten atzo, istripuaren 14. urteurrenean. Berriz ere, hildakoen kopurua ematean ez ziren ados jarri iturri batzuk eta besteak. Iturri ofizialen arabera, 15.000 lagun hil dira hondamendi nuklearrik handienaren ondorioz. Baina, beste iturri batzuen arabera, 300.000 ere izan dira hildakoak.

Inoiz izandako tragedia nuklearrik handienak 150.000 kilometro koadroko lurraldea kutsatu zuen, Errusia, Ukraina eta Bielorrusian.

Leherketaren ondorioz 35 lagun hil ziren uanean berean, eta gutxienez bederatzi milioi lagunek pairatu zituzten kutsaduraren ondorioak, era bate-ra edo bestera.

Istripua oroitzeko egin ziren ekitaldietan, Leonid Kuchma Ukrainako lehendakariak lore eskaintza egin zuen Txernobilgo Heroien monumentuaren aurrean. Halaber, hezurmuina aldatzeko osasun zentro bat ireki zuen. Bielorrusian eta Errusian ere ekitaldiak eta manifestazioak izan ziren.

## Europaren erronkak aztertuko dituzte mila intelektualek Bilbon bihar eta etzi

■ Romano Prodik inauguratuko du Zientzia eta Arteen Akademiaren saioa

Gorane Agirre/ Bilbo

MILA intelektual baino gehiago biltzen dituen Zientzien eta Arteen Europako Akademiak *Europaren erronkak XXI. mendean* izenburuko topaketa egingo du bihar eta etzi Bilbon.

Romano Prodi Europako Batzordeko lehendakariak inauguratuko du topaketa. Bertan, hamabost herrialde-tako akademiko eta adituek konbergentzia ekonomikoaren prozesua gainditu ostean Europak izango dituen erronka nagusiak -historikoa, soziala eta teknologikoa- aztertuko dituzte.

Jose Angel Sanchez Asiain Akademiako Espainiako ataleko lehendakariak atzo azaldu zuenez, «ideiek Europaren eraikuntzan izan beharko luketen papera eztabaidatzea da topaketaren xedea».

«XXI. mendean Europak izango duen bilakaerari buruzko aurreikuspen ariketa bat egin nahi dugu, ibilbide honen hasierako baldintzak aztertu eta identifikatu», nabarmendu zuen.

Topaketak hiru saio izango ditu beste horrenbeste erronka jorratzeko. Lehenengo saioan, Europaren nortasuna aztertuko dute bere historiari, hau da, bere etorkizu-

neko eraikuntza baldintzatzen duten historiaren atalak.

Bigarrenetan, bestalde, Europako ertzetako ongizate ezberdintasun garrantzitsuen arazoa landuko dute, Mediterraneoko zein Ekialdean. Asiainek azaldu zuenez, «Europako kulturari estuki lotutako Ongizate Estatuaren papera aztertuko dugu, izan ere, Europa osatzen duten espazioen artean benetako urruntze etengabea baitago».

Azkeneko saioan, larunbatekoan, zientzia eta teknika-aren ikuspegi historiko, instituzionala eta ekonomikoa jorratuko dituzte, garapen



XOUSA SIMAL

Jose Angel Sanchez Asiain atzoko aurkezpenean.

prozesuaren oinarritzko aldagaiak direlako. Ildo horretan, Asiainek garrantzitsutzat jo zuen, Europak ezagutza Barne Produktu Gordina (BPG)

bihurtzeko gaitasuna areagotzea. Horretarako ikerkuntza eta enpresa munduaren arteko lotura sendotu beharra nabarmendu zuen.